

槐

廳

載

筆

槐廳載筆卷十二

國子監祭酒法式善編

述異

宣城白

本朝來科甲久不振康熙己未施侍講愚山

閩高檢討阮懷詠

以辟薦孫編修予立卓茆編修楚皖

薦

以鼎甲四人同時入翰

林時施園有梅三月復開四花其方位恰應四人所居人以爲

異梅孝廉淵公

清

繪爲圖壬戌阮吉士

亦入翰林

或謂宣城

有文昌閣久頽廢甫新之五君遂相次入翰林云

壬戌茹辛癸亥施孫相繼

率乙丑高率又

池北偶談

不知何說也

康熙甲辰會試四川舉人楊某者寓四川營右芝菴場事既竣候榜于京師一夕與諸同年飲偶出忽仆地衆舁入室移時始

雖叩之云甫出戶見二卒強之行至一公府有王者南向坐梓
潼帝君坐其側頃之有吏引楊父母至王者問云今年汝子某
台中進士汝願之否其父拜謝母獨曰不願也王者叩其故母
答曰此子不孝昔避寇亂入山距城甚遠主一親故主人館餐
甚厚因令子暫歸視家室適部檄至催謁選縣令強之遂赴都
中途稱病而返比子入山而身已死含斂皆主人經理之至今
飲恨泉下故不願也帝君顧吏取簿籍檢之良久語王者曰以
高某代楊可也榜發則梁山高宗中式楊竟被黜奉倩述其房
師李侍郎恨子靜云然居易錄

韓閣學淡元少語子吳人張某者以術遊公卿間嘗許繆侍講
念齋狀元及第繆丁未大廷對果第一吳中驚以爲神門外
一委某亦自高聲價累致千金韓貧士教授陋巷中不敢

自往乃囑友人代問之張厲聲曰此人來歲當死遑問功名乎
如此命吾不取一錢也韓聞之悵嘆而已明年遊太學遂中順
天鄉試又明年癸丑會元狀元及第張遁去不知所之同上
國朝徐相國元文赴試金陵一船家啞子忽迎曰狀元來矣後
魁天下造一船與之俾溫飽終身寄園寄所寄

順治時山左有李神仙遊行京邸庚子北直鄉試有兩生密詢
試題李笑曰公皆道德仁藝中人也無庸卜題出乃志於道全
章二人皆中式辛丑會試又有以場題問者李曰五後四可場
中首題乃知止而后有定一節果五后字二題乃夫子之文章
一章三題乃易其田疇二節果四可字靈異最多此特其一事

耳

北墅
寄書

辛卯之秋

特恩廣額士子之試於鄉者倍於常故自金陵歸舟泊燕子磯
不啻翅連尾接其三場竣者皆眉揚色舞時維風阻羣行登岸
見林樾交映處隱有寺門入寺嶙峋怒石挿空將翔垂簷欲墮
此中奇險曰懸崖撒手同遊者曰未也尙有三台洞焉盍往觀
乎於是循水滸而行一路有橫亘者峻立者如屏者闕者巨斧
劈者劍立者鋸者竅而穴者若牛馬之飲者虎豹之蹲獅象之
伏者熊羆之角立鬼魅之攫拏者無非異境乃其杳然而深者
曰洞一洞一境俊鶻摩空紅紫碧綠雲蒸霞蔚頃刻萬狀蒼松
翠栢間有一株二枝參差洞口間花笑迎劉阮真少陵所詠江
上無名草也行至三洞兩岸縫接下臨千仞上通一綫窺見千
年蝙蝠如羣飛白鶴異哉此非天地間之奧區乎適有一老龐
眉碧眼方頤修髯顧羣遊者而笑曰君輩非所謂歌鹿鳴而來

者乎曰然請爲君筮之可乎曰可筮得一劃爲奇二劃爲偶三劃復奇連劃三偶其卦爲明夷羣遊者皆失冠以其明入地中暗象也復筮之貞悔內外上下易位其卦爲晉羣遊者皆喜以其爲晉進也老人曰不然請視其動動得四爻乃口占授以占辭曰晉如石鼠入於左腹觀乎人文其欲逐逐君子征之飛垂其翼用拯馬壯富家大吉揚於王庭血去惕出其盜之招也羣遊者以爲妄無舉子然而識之歸而書之藏而驗之噫天洞也向號爲三台者豈非神仙之窟宅者歟

三台洞
仙記

康熙乙卯年五月江南學使者解諱幾貞科試淮安府場中兩邊搭席篷廡中間搭龍門上綴紙魁星俱以五色紙爲之兩手持筆錠足踢魁斗光彩生動試畢封門後各役俱散署中親友偶出堂上閒步忽聞堂前喧鬧聲趨出視之見魁星在篷廡中

間甬道跳舞不已闔署驚動駭異遂舉而焚之然是科淮安無

提魁者嗣後亦無大魁但不脫科耳

述異記

康熙甲子福建鄉試有泉州父子二生同來赴試初八日其父
病不能入場其子初十日早出闔父謂曰我今年頭場文字甚
得意但可惜爲他人作嫁衣裳耳子問其故父口誦七藝題目
無訛子駭問曰豈父夢中神識所構所謂他人者何也父曰我
爲一吏引入號舍與杜名成錦者同坐杜之七篇乃我作也我
授汝七破可覓其人問之且其人今科應中二十六名亦可預
報之某果遍覓得之乃福州侯官廩生語之以故且報名次杜
亦不信示以七破杜乃愕然及放榜果二十六名上同
康熙癸卯浙江鄉試武林陳之樞雲起入闈文思艱澁比午不
能畢一藝忽然昏睡其弟丹南才更優文名甚噪雲起不及也

早卒至是夢丹兩進席舍促之曰速起吾爲兄構此七藝雲起
強執筆不假思索俄頃完卷膳真時猶覺丹兩在側迨交卷出
號舍則恍如一夢矣是秋得售迨甲辰會試丹兩復至如前遂
得聯捷雲起每爲人言不諱也

蕭山張宣綸茂才十五歲以科考第一赴浙試其號舍左壁有
詩云明遠樓頭漏未終棘墻官燭照來紅最憐此夜麻衣客病
在西場號舍中讀之大驚是年中副榜榜未發病死詢之則是
號爲前一科上虞徐生所居生中式而以病先死是詩其所題
也事數之偶合如此

西河詩話

明正統丙辰狀元周旋宏治丙辰狀元朱希周正德甲戌狀元
唐臬萬厯甲戌狀元孫繼臬科目姓名皆相照應近同安劉望
齡先舉本省鄉試三十四名後革去順治辛卯復舉本省鄉試

三十四名武進巢震林於順治壬辰中會試一百六十二名磨

勘革去復於乙未中會試一百六十二名

筠廬偶筆

蘇之屬邑常熟距崑山爲近乃明代二百六十餘年間崑山多有中狀元者而常熟則無堪與家謂常邑東門外水勢直趨玉峯宜於其地建一浮屠以鎖之俾其勢少緩而鼎元可得矣崇禎間遂有造塔之舉而邑紳蕭叅政爲之倡興工之日蕭盛服肅拜泣事名其塔曰聚奎而咨於衆工曰若等試言塔成狀元出在某家齊應曰在蕭家屋裏至我

朝順治戊戌科

世祖皇帝特擢孫承恩爲一甲第一人其所居乃蕭之故宅當時衆工之對遂成讖焉又二十二年爲

今上康熙己未科狀元歸允肅又二十二年庚辰科狀元汪灏

皆常熟人術者之言可謂驗矣然三君者年皆不永官亦不高
惟歸至少詹孫汪皆止修撰耳終遜于崑山之致位宰輔也

光陰

記亭維

本朝江南鄉試不以大學命題以明崇禎壬午科題爲定而后
能靜三句明南京鄉科終于此也聞廣東鄉試亦然如命大學
題則貢院被火或主司者有禍患而尤忌聖經一章云

同上

翰林學差典試赴湖廣者多不利於榜眼辛未榜眼吳永年曷
甲戌榜眼顧書宣圖河丁丑榜眼嚴寶臣虞惇俱卒於楚京師
爛漫衡術亦不利於榜眼居停而卒於其地者戊辰榜眼查荆
川嗣韓丙戌榜眼呂無黨葆中

在園
雜志

康熙丁卯科江南主司乃北平米漢雯也八月初八日午刻甫
當唱名忽有飛蝗蔽天自東而來迴翔試院旋復東去禾苗無

損人咸異之迨揭曉日金陵諸生見榜多執務羣聚而譁幾成大獄好事者競作檄文歌曲喧傳遠近事聞漢雯削籍識者謂蠅能食米天益所以傲之云

柳南
隨筆

雍正元年四月恩科福州士子召仙競問得失有李生者疑之拉江陵張鴻齋往觀路折芭蕉一葉納在袖中甫至壇下仙卽書云左袖携來一片青知君意不問功名可憐今夜蕭蕭雨減却愈前數點聲李始驚服及歸寓二鼓後果雨此鴻齋親見爲余言之

蓮城
詩話

己未殿試予傲諸同年云靈巖三百都輪我此處曾來第二回蓋試鴻博曾在保和殿也同徵友蓮雲暉曾與章藻功太史蔣文肅相公同時角逐名場而流落不偶誓不登科不娶寓京師晉陽巷五十餘年而卒康熙庚子中北閩副車妻年五十竟

以處女終余有詩弔之云五十四年蕭寺老終身一曲雉朝飛

雲堦名駿常熟人

詩話

雍正丙午江南鄉試其時聘各近省甲科司分校事有張某性迂滯每晚必焚香祝天曰某年衰學荒慮不稱閱文之任恐試卷中有佳文及其祖宗有陰德者求神明暗中提撕衆房考笑其癡相與戲弄之折一細竿伺其燈下閱卷有所棄擲則於窗紙外穿入挑其冠如是者三張大驚以爲鬼神果相詔也卽具衣冠向空拜又祝曰某卷文實不佳而神明提我想必有陰德之故如果然者求神明再如前指示我衆房考愈笑之俟其將棄此卷復挑以竿張不復再閱直捧此卷上堂而兩主司已就寢矣乃扣門求見告以深夜神明提醒之故大主考沈公近思閱其卷曰此文甚佳取中有餘君何必神道設教耶衆房考不

敢言及榜發見此卷已在榜中各譁然笑告張曰我輩弄君張正色曰此非我爲君等所弄乃君等爲鬼神所弄耳

新齊諧

先姚安公言雍正庚戌會試與雄縣湯孝廉同號舍湯夜半忽見披髮女鬼塞簾手裂其卷如蚊蝶亂飛湯素剛正亦不恐怖坐而問之曰前生吾不知今生則實無害人事汝胡爲來者鬼愕眙却立曰君非四十七號耶曰吾四十九號蓋前有二空舍鬼除之未數也諦視良久作禮謝罪而去斯須聞四十七號喧呼某甲中惡矣此鬼殊憤憤此君可謂無妄之災幸其心無愧怍故倉卒間敢與詰辨僅裂一卷耳否亦殆哉

豫陽消夏錄

竇東臯前輩言前任浙江學政時署中一小兒恒往來供給使以爲役夫之子弟不爲怪也後遺移一物對曰不能異而詢之始自言爲前學使之僮奴而魂留是也蓋有形無質故能傳語

而不能舉物於事理爲近然則古書所載鬼所能與人無異者

又何說歟

理西雜志

先師介野園先生官禮部侍郎扈從

南巡卒於路卒前一夕星隕於舟前卒後京師尚未知施夫人夢公乘馬至門前騎從甚都然佇立不肯入但遣人傳語曰家中好自料理吾去矣匆匆竟過夢中意爲方扈從疑或有急差遣故不暇入覺後乃驚怛比凶問至卽公卒之夜也公屢掌文柄凡四主會試四主鄉試其他雜試殆不可縷數嘗有

恩榮宴詩曰鸚鵡新班宴

御園

案鸚鵡新班不知出典當時擬問公竟因循忘之

推顏老鶴也乘軒龍津橋上黃

金榜四見門生作狀元丁丑年作也于文襄公亦贈以聯曰天下文章同軌轍門牆桃李半公卿可謂儒者之至榮然曰者推

公之命云終於一品武階他日或以將軍出鎮耶公笑曰信如君言則將軍不好武矣及公卒

聖心悼惜

特贈都統益公雖官禮曹而兼攝副都統其扈從也以副都統

班行改卽武秩進一階日者之術亦可云有驗矣

梁陽續錄

翰林院堂不啟中門云啟則掌院不利癸巳開四庫全書館質郡王臨視司事者啟之俄而掌院劉文正公覺羅奉公相繼逝又門前沙堤中有土凝結成丸倘或誤碎必損翰林癸未雨水衝激露其一爲兒童擲裂吳雲巖前輩旋歿又原心亭之西南隅翰林有父母者不可設坐坐則有刑尅陸耳山時爲學士毅然不信竟丁外艱至左角門久閉不啟啟則有司者有譴謫無

一試不知果驗否也其餘部院亦各有禁忌如禮部甬道屏

門舊不加搭渡

搭渡以巨木二方夾於門限坡陀如橋狀使坐官乘車者可從中入以免於旁繞錢

石前輩不聽旋有

天壇燈杆之事者亦往往有應此必有理存焉但莫詳其理安

在耳

同上

吳狀元錫齡前生爲僧募修橋道封翁倡捐工竣見僧入房而生狀元乃二十四歲及第次年卽逝嗣子若曾早官吏部亦不永年皆不可解乙未傳臚榜眼汪鏞以夜醉到遲不及行禮未授職卽議罰俸是年狀元吳錫齡探花沈清藻皆未散館而歿

亦奇

石鼓齋雜錄

宋監司越初名鉞烏程人應府試適吏填卷面悞作越父欲令改正門塾師師曰逢戊則走此佳兆也是年入泮乾隆戊午領鄉薦戊辰成進士官刑部主政又十年戊寅陞郎中在部有聲

旋授福建驛鹽道及戊子歲以疾卒於官終身事跡不出逢戊則走一語洵有數存焉

秋燈叢話

陝西薛侍御尺菴設帳樂邑從學甚衆已卯場前占及門得失卦辭曰眇能視榜發本闈中朱正北闈中潘同善兩人皆短視同人常以眇嘲之

同上

康熙癸巳恩科懷慶余生讀書開封某寺爲入闈計一日雨雪生擁爐獨酌諷吟不輟忽有客塞簾入氣宇不凡問其里居姓氏曰閩人郭姓寓同寺別舍慕君高雅故來奉訪讓之坐卽坐勸之飲卽飲言辭豪爽卽以時藝議論多出人意表生不覺心折持近作正之客曰可也再加陶鎔化其圭角則百發百中矣因口授數題囑曰此我所竊擬者幸秘之勿洩并教以批卻導竅宛轉取神之法談次一童子攜樽至客曰昨友人貽我旨

酒願一醉於是且飲且談夜分始去至明遍訪同寺寓客並無
其人末至一郭公祠木主題曰祥符令福清郭公某神位生甚
驚疑謹識之其教作數題極意揣摩入闈果如所擬遂獲雋公
車北上復提南宮閱同年登科錄有福清郭姓其祖爲祥符令
名亦同亟訪之告以故郭曰適攜先祖遺照在展閱之狀貌宛
然旁立一童亦與所見無異

同上

余同年徐君士楹文登人中丞公士林弟也一日行隴上見車
馬旌旗簇擁而來意達官過方欲趨避歎已至前一青衣吏鞠
躬請曰方伯需人特迎公往署徐訝其不倫峻拒之吏曰不見
允當再至盲訖而沒儀從亦頓失所在始悟其非人也驚奔而
歸後每出輒見懼而匿諸室吏復現形迫至曰陰牌已下辭亦
奚益且不過暫行攝理頃卽歸耳何害徐畏其逼漫應之卽昏

然如寐旬餘不醒家人守視越月始蘇曰冥攝藩篆新任到始放歸問其情事不肯言惟云兄將來祿位遠勝於弟好自愛中丞後登第歷官蘇松巡撫清潔自勵不名一錢以勤勞沒於任同官贈賄儀千金徐却之曰兄素矢清白恐拂初心不敢受上聞而嘉之時已雋鄉榜

賜進士授東粵某邑令抵任踰歲卒

同上

河南劉學廉石渠精數學占驗如神康熙己卯春子外舅勵文恭往問科名劉笑曰尊翁座上客不可慢也再問之不答及歸李殿撰蟠適在座是秋獲售正考官卽李也劉屢蹶禮闈而每試必赴衆謂曰君負管郭之智既知藥榜無分安用此僕僕爲曰此亦有數存焉艱辛須盡償之妄行趨避恐遭陰譴耳劉房師爲德州盧公喜臣抱孫其子也幼時每以終身問輒曰公子

賢人也以爲諛詞置之後成進士再任兩淮一任長蘆理鹺政者三方悟前語益鹹與賢音相仿也

同上

夏太史力恕孝感人康熙庚子夢謁關帝廟帝諭之曰廟聯多不愜意如三分忠義等語適足增痛好爲作對將元爾矣授以巨筆夏書云英雄幾見稱夫子豪傑於斯乃聖人帝稱善醒誌之敬書鐫板懸于廟是科鄉試第一

同上

徐州俊字敬菴臨清人遠於數學寄寓德州時嘗爲李紫瀾司寇占鄉試繇詞內隱羊角二八字榜發果中解元又爲占會試繇詞云名居滄海之間榜發則前一名海寧人又爲司寇子鳳洲預占鄉試繇詞云五月榴花照眼明是年加科以四月鄉試榜發聞提齋中榴花正放其奇中如此

樂圖
開述

先曾祖癸卯房師山陰金煜字子藏一目重瞳子其母弟馬玉

起攜嶺表一扶乩客來見煜驚曰此唐李後主後身也後主見馬太君詞而善之願爲之子其遭逢不能遠過後主得乎戌失乎戌識之識之乃命縛乩以筆書一詞去煜祖太常公笑曰彼知後主一名煜故妄言耳及闕陸游南唐書煜亦一目重瞳子乃大驚後年十九中順治戊戌進士授鄴城縣知縣康熙庚戌罷官館京師甲戌死於天津按後主以宋建隆三年壬戌卽位至開寶七年甲戌國亡身隕兩人始終同以戌其詞有曰天津橋上望歸舟又是黃花落水秣陵秋以後主幽洛陽與先生遊京師同一客殂而燕之天津猶洛陽其所謂招魂望鄉者黃花落水兩候適符也

種李園詩話

翁覃溪閣學視學江西稽察坐號見一生於指甲上寫四書文一篇其字細如蚊脚閣學本以蠅頭書擅名自言不及此生生

名夢松

上

湯侍御世昌仁和人諸生時鄉試僦居貢院比鄰苦炎熱旁一大宅鎖閉詢之爲前杭守柴君所買爲公館者因有鬼祟人莫敢住僦司鐰人假以暫居樓中窗櫺尙完畧爲洒掃遂移榻焉樓西房中委棄竹箱雜物亦置不顧明燈讀書不覺夜午忽有披髮女子突立樓心湯公大聲叱之女惶恐曰不知貴人在此竟無狀矣退西房膏沐以出一姣好女子也踞訴曰妾姓朱名筆花前杭守柴納爲姬正妻竒妬值婉身賄穩婆桐油塗下體潰爛而卒兒被正妻認爲己出今已長成不知爲妾所生他年君設教江漢書院子應出門下懇公將妾寬告之將妾尸改塋牆東井邊有八角磚可驗也指房中破竹箱云是妾昔年藏有零星首飾太守哀悼觸目傷心未攜歸有人翻動妾出怖之人

驚爲怪今舉以奉贈湯公慘然諾之後事皆驗湯公與予交契

故詳悉焉

水曹清暇錄

內閣大堂之西槐樹有鵲巢會試之年結一巢則中書得鼎甲

一人相傳已久頗著靈驗

同上

乾隆甲寅恩科綿竹鄒生某入闈與同邑黃生多益同號鄒至黃號閒談忽見號板上寫樂道人之善二句題鄒問何爲寫此黃曰今科題也鄒曰何以知之曰余初應童子試卽夢四川甲寅科題係此余得中元心疑甲寅非鄉試之年何以有科旁一人曰恩科也醒後余因取多益二字爲名以圖後驗是年遊泮今甲寅果有一恩科題當不虛也故入闈卽將此題錄出汝何不早爲揣摩鄒笑曰君一夢十餘年尚未醒耶畧不介意談笑而至此至鼓題紙發出果出前題場畢榜發黃果中元鄒薦

而未售

新豐神記

嘉興沈大令增官甘肅崇信令甲午科入闈同考九月初閱卷已畢方劇飲忽聞外間架上錄卷盡倒頽然有聲視之則未倒也再聽而聲凡三異之請于衆復揀遺珠衆以爲多難之沈乃獨任閱三晝夜得一卷中式二十四名其子振鵬應本省鄉試亦中二十四名數蓋適相符云

春水居筆記

慕廬韓先生少貧困泐薦後猶藉館讀書歲壬子暇遊荊洛間忽有人持關書聘金來寓曰奉主人命請先生授生徒焉遂欣然就道至則門閭宏壯如公侯家其旁爲館舍亦精潔莫比既入門主人以疾辭弟子謁見而英姿秀氣迥異常人居數月見僕隸奔走若主人常理事者然而主人初不一見心頗疑之問之館人不答問之弟子則又支辭以對疑愈甚竊欲私覘之而

主人已排闥入若知先生之欲覘之也者曰先生勿疑吾實冥府官也敬君學品故聘求教子頑劣之資得沐教化實爲厚幸然先生功名中人卽當大魁天下吾何能久羈遂厚贈之遣使送歸次年癸丑先生應會試果擢第一

識小

余申己亥鄉試頭場卷面坐號東洪字四十二至二三場皆如之號軍孫姓及庚子會試三場亦皆東洪字四十二號號軍仍孫姓其人也斯己奇矣而鄉會試中式皆九十五名尤奇

補西

華亭王礪齋太守祖庚字孫同礪齋爲相國文恭公家孫幼穎異公愛其類己且生同甲名而字之文恭以鴻博起家礪齋亦由進士薦鴻博詩集五卷黃唐堂作序乾隆甲子以隰州守留史局校書感懷云無端潘髮已星星誤我槩鉛檢汗青滿地落紅人已往傷心猶坐草元亭悔讀南華恨八义半生虛願向誰

賒東塗西抹成何事潦倒風塵日已斜
蓋深以不入翰林爲憾也

悟門詩話

槐廳載筆卷十三

國子監祭酒法式善編

炯戒

順治丁酉江南鄉試前數日嚴霜厚二寸旣鎖闈鬼嚎不止放榜後弊發主考方猶錢開宗房考李上林商顯仁葉初槐錢文燦周霖張晉朱蒞李祥光田俊民李大升龔勲郝維訓朱建寅王國禎錢昇雷震生俱駢戮于市前此江陵書肆刻傳奇名万金記不知何人所作以方字去一點爲万錢字去邊傍爲金指二主考姓備極行賄通賄狀流布禁中遂有是獄北闈李振鄴張我樸有張千李萬之謠事發被誅者亦數十人

三岡識畧

田茂遇字髡淵江南青浦人順治丁酉舉人授山東新城知縣不赴著有水西草堂集按丁酉科場事發

九重震怒命嚴鞫之覆試之曰堂上命題二書一賦一詩監試官羅列偵視堂下列武士銀鑰而外黃銅之夾棍腰市之刀悉森布焉未刻繳卷諸生文皆如格撫臣以覆卷奏進事乃解復原名先生其一也惟有據者充發數人世皆以吳漢槎兆騫爲可惜云

鶴徵錄

順治二年十二月庚子禮部磨勘河南鄉試錄內稱皇叔父爲王叔父主考歐陽蒸呂雲藻俱請

敕下處分得

旨皇叔父攝政王封號久奉明旨中外恪遵歐陽蒸輒敢任意改移悖慢不敬無人臣禮殊屬可惡併呂雲藻俱革職刑部分別究擬

史館綴聞

順治三年八月丁丑光祿寺寺丞張作楫坐爭試差降三級調

用

上同

順治四年三月戊申庶吉士袁禧如草職以會試分考擅改硃

卷故也

上同

順治九年三月己卯大學士范文程等叅奏會試中式第一名
舉人程可則文理荒謬首篇尤爲悖戾經註士子不服通國駭
異請勅部議處

上命革可則名并治試官胡統虞等罪降胡統虞三級成克鞏
一級皆留任同考官編修左敬祖等各罰俸有差以不遵傳註
文理疵謬故也

上同

順治十一年甲午先是刑科給事中任克溥叅奏鄉會大典慎
選考官無非欲矢慎矢公登進真才北闈榜放後途謠巷議嘖
有煩言臣聞中式舉人陸其賢用銀三千兩同科臣陸貽吉送

考官李振鄴張我樸賄買得中北闈之弊不止一事此輩弁髦國法褻視名器通同賄賣愍不畏死伏乞

皇上大集羣臣公會訊則奸弊出而國法伸矣事下吏部都察院嚴訊得實奉

旨李振鄴張我樸蔡元禧陸貽吉項紹芳舉人田耜鄔作霖俱著立斬家產籍沒父母兄弟妻子俱流徙尙陽堡主考曹本榮宋之繩着議處

上同

順治十一年十月庚子禮部尙書郎球等叅奏順天主考范周吳正治評閱硃卷止有姓名全無次第請

敕部議處同日戶科給事中宋牧民叅奏試錄程文種種乖謬至有喧傳爲笑柄者等簡命而忝文衡莫此爲甚請

敕部從重處分以挽頽風昭文治並奉

旨交部

上同

順治十五年正月甲寅

上親覆試丁酉科順天舉人面諭之曰頃因考試不公特親加校閱爾等皆朕赤子其安心無畏各抒實學朕非好爲此舉實欲取拔真才不獲已爾衆皆頓首稱萬歲

上同

諭禮部朝廷選舉人才科目最重必主考同考官皆正直無私而後真才始得昨因鄉試賄賂公行情罪重大已將李振鄴田耜等特置重辟家產籍沒今會試大典尤當重慎考官同考官及天下舉人若不洗滌肺腸痛絕情弊不重名器不惜身命仍敢交通囑託賄買關節等弊或被發覺或經科道指叅即將作弊人等俱照李振鄴田耜重行治罪決不姑貸爾部卽刊刻榜文通行嚴飭使知朕取士釐姦至意

上同

二月庚午禮部磨勘丁酉科鄉試硃卷劾奏違式各官河南省
考試官黃鈇丁澎用墨筆添改字句山東省同考官同知袁英
知州張錫懌知縣唐瑾吳暹何鑑章員用藍筆改竄字句山西
省考試官匡蘭馨唐賡堯批語不列銜名俱屬疎忽得

旨俱着革職逮問

同上

掌河南道御史上官鉉劾奏江南省同考官舒城縣知縣龔勲
出闈後被諸生所辱事涉可疑又有中式舉人程度淵者嘖有
煩言情弊昭著應詳細磨勘以釐奸風得

旨著嚴察逮訊

同上

特旨諭禮部前因丁酉科順天中式舉人多有賄買情弊是以
朕親加覆試今取得米漢雯等一百八十二名仍准會試蘇洪
濬張元生時汝身霍于京尤可嘉陳守文張國器周根邵等八

名文理不通俱著革去舉人爾部傳諭行

上同

庚戌

上親覆試丁酉科江南舉人

上同

乙卯降禮科右給事中金漢鼎二級調用以其不能摘發科場

奸弊也

上同

戊午

諭禮部前因丁酉科江南中式舉人情弊多端物議沸騰屢見
叅奏是以朕親加覆試今取吳珂鳴三次試卷文理獨優特准
同今科會試舉人一體殿試其汪博敷等七十四名仍准作舉
人史繼佚等二十四名亦准作舉人罰停會試二科方域等十
四名文理不通著革去舉人爾部卽傳諭行

上同

順治丁酉科工科給事中陰應節劾江南主考通賄律決同考

十七人皆伏法十五年

上親覆試吳珂鳴同新科舉人

殿試汪博勲等七十四名准作舉人罰停會試二科者二十四

人斥革者十四人徙尙陽堡者八人

史館雜記

丁酉順天主考曹本榮宋之繩以不能覺察同考官作弊俱降

五級以本衙門用同考李振鄴張我樸舉人鄔作霖田耜俱伏

法覆試取米漢雯等一百八十二名革舉人八名

同上

河南主考黃鈇丁澎以刑科給事朱紹鳳劾革職徙尙陽堡

同上

姜宸英已卯順天典試以場弊下獄卒

同上

康熙辛卯考官趙晉以科場賣舉照丁酉科李振鄴田耜例伏

誅

同上

丙午江西主考查嗣庭出題不合旋以狂誕論罪俞鴻圖以場

樊伏誅

同上

康熙辛卯江南鄉闈事發

皇上問中堂云江南科場一案賣舉人之事主考官斷寬不得考取舉人係主考官之專責督撫如何賣得舉人呢中堂李光地云

皇上所見甚明臣也做過巡撫如何賣得舉人有此心如何與主考開口說得斷無此事

皇上又問中堂云張鵬翮並不審問正副主考將無干之人究審延挨時月不行啟奏現今各官俱在揚州地方事務着實廢弛百姓紛紛議論中堂等回奏

皇上聖明無微不照中堂又將知府陳鵬年巡撫張伯行議處二本具奏奉

旨此二本係一件事張鵬翮怎麼作二樣奏呢應作一本從重

議奏發與該部再議具奏

梧巢
緒聞

奉

旨考試舉人進士爲國家遴選人才關係甚大

世祖章皇帝時諭旨炳赫卽朕亦有諭旨甚是明白從前科場有此等弊發俱議軍法從事今趙晉干犯國法私受賄賂暗通關節並不將趙晉拿問嚴審且趙晉行止不端舉國無不知之左必蕃愚昧已極被趙晉欺弄今但照革去舉人三四名之例革職軍流這案發回着九卿等詳看會議具奏太學士李光地等爲前事會議得考試舉人進士關係重大豈容恣意行私副主考趙晉惡跡顯著有犯國法科場內多受賄賂打通關節有干法紀卽行嚴拿審理從重治罪止擬充軍殊屬疎忽

聖旨是此案不便草草完結應發回張鵬翻赫壽將趙晉擎

問嚴加審明從重治罪具題可也

同上

順治丁酉科場大獄相傳因尤侗著鈞天樂而起時尤侗湯傳楹高才不第隱姓名爲沈白楊雲描寫主考何岡盡態極妍三

鼎甲賈斯文程不識魏無知亦窮形盡相科臣陰應節糾叅

殿廷覆試之日不完卷者銀鐐下獄吳漢槎兆騫本知名士職

慄不能握筆審無情弊流尙陽堡張文貞王書時方十八歲從

容擄寫而出公輔器度固自不凡

石鼓齋雜錄

康熙己卯李蟠姜宸英與順天試行老姜全無辣味小李大有

甜頭之謬因是下獄李論戍姜以老病卒於請室

同上

康熙辛卯江南左必蕃趙晉典試事必蕃廣東舉人素無文望

晉則少年鼎甲任意妄爲視左如木偶也榜發多中揚商子弟

士論沸騰遂有左邱明兩目無珠趙子龍一身是膽之聯貢院
匾改作賣完總督噶禮具奏在揚州逮訊左以不知情論戍趙
定罪王樓村與趙同年時告假在籍入獄探視趙卽於次日伏
法有謂王帶病僕進獄易趙出者遂下王獄通緝數年無獲王
方得釋同上

浙江丁酉科索泰張懋能典試事索爲杭州學士陳恂丙戌分
校所得士因以族人托榜發中式其人市儉素不能文杭人忿
移財神像入文廟索下船時以瓦礫投之獄成陳索俱按治陳
老病以子代遣戍後戍回課子極嚴後由科第起家官清要同上
國初生員申額大學四名公取一名而已餘皆賄買有自首不
得一矜者學差滿禮部禮科磨勘考察需索亦不費若聲名平
常卽令罰修葺城永定河等工一二公正者無所亦不能免

其時有銀戶科不及金禮科之謠學差與人留別有將來相會在密雲城下永定河邊語自學額加增官防嚴密人皆敬畏乃尙有俞鴻圖喀爾欽朱荃之案真所謂慙不畏死者

雍正丙午查嗣庭俞鴻圖典江西試以君子不以言舉人二句山徑之蹊間一節命題其時方行保舉有意譏刺三題茅塞子心不知何指其居心不可問因查其筆札詩草語多悖逆遂伏誅并兄慎行嗣璫遣戍有差浙人因之停丁未會試科俞鴻圖自認出日省月試題免罪旋出學差仍不知檢束亦論死

同上

乾隆壬申胡蛟齡徐堂主山東試以民之於仁也甚於水火山徑之蹊間一節命題既而念下文有蹈仁而死句怏怏不樂胡因是成心疾回京憶巡城時有聽情受賕事卽自行檢舉逮訊以風憲官論罪加等老病瘐獄中徐大考四等改知縣嗣是相

戒山徑之蹊間題不用而戊申山東復以君子不以言舉人二

句試士豈未之聞耶

同上

辛未會試蔡時田充分校官薦曹詠祖卷不中來謁見其年少才美愛之王申會試由山東道御史監試入場搜檢行李於眼鏡匣內躍出一紙蔡曹俱伏誅時蔡寅斗在號謾聽已亦在內立時自縊亦奇先是山東道出缺翰林王世仕應得夢見山東道察院燈籠前導其父在旁搖手語之曰此官爾不可得必有奇禍醒後數日差福建考官山東道缺遂及蔡而禍亦及矣王差竣回京次日大考未及試改知縣

同上

吾湖康熙中任學道學院者輦金而歸貲雄鄉里迄今未百年後人有不能讀書貧困無聊且絕嗣者吁可畏也沈心齋閣學在湖公正自矢闢人建祠以祀昔雷翠庭師考湖曰昌言於衆

曰吾家五傳不得一矜沈公視學吾父方入庠至今感泣聞學
後嗣科甲連綿侍御現其曾孫也

同上

槐廳載筆卷十四

國子監祭酒法式善編

品藻

顏光敏曲阜人康熙三十三年以檢討督學浙江性孤介人不
敢干以私拔取真才不遺餘力杭郡倩人代試沿習成風光敏
取歲進新生局戶覆試文理荒謬者黜之并治代者及相保廩
生於是諸生畏法自愛無敢復踵前轍所刻試牘風行海內垂
三十年士人誦習不異於初

一統志

嚴沆字子餐錢塘人順治進士選庶吉士改給事中典試山東
故事聖裔無舉者四氏子不得獨雋沆疏請得歲舉二人著爲
令累官總督倉場侍郎通羸絀剔侵蠹歲省金錢數萬乞養歸

同上

李周望蔚州人父旭升康熙壬戌進士累擢工部侍郎福建沿海大饑奉

命發江浙米三十萬石往賑旭升計口授食無遺無濫歷吏部左右侍郎加尙書致仕周望登康熙丁丑進士選庶常遷侍讀督學湖廣以端士習正文體爲已任

詔命廷臣甄別各省學臣周望爲天下第一擢國子監祭酒勤於考校遷戶部侍郎進禮部尙書以病歸周望爲人厚重居官清廉自奉淡薄終身如一日弟暉享康熙甲戌進士終內閣中書居親喪哀毀廬墓學術醇正詩文皆有法度

同上

李來泰撫州人順治十二年督學江南所拔皆孤寒知名士尋任蘇松糧儲道復分守蘇松常道歷官清慎能持大體不事威嚴而所部懾服

同上

許汝霖海寧人康熙中督學江南手定甲乙釐正文體人咸服

其公鑑

同上

歸允肅字孝儀常熟人康熙己未殿試第一人授修撰辛酉主
順天試所拔多寒畯歷官少詹事持正不阿居鄉雅有清望

全

陳卓字懋修江都人順治丁亥進士由刑部郎提學四川時蜀
新定文學荒廢卓出經籍令傳寫相教授文風日振擢陝西臨
鞏副使道復官商分茶之法辨部民受逆徇僞劄者再擢荆南

叅政道

同上

劉楷字子端南陵人由進士授中書舍人典福建試稱得人擢
給事中疏論督撫保學臣及河工保題官員之弊

聖祖嘉納又叅相臣柄國等事疏上如奏罷斥風采肅然累官

光祿寺卿致仕歸

同上

吳國龍字玉驕全椒人明癸未進士母喪廬墓順治中以漕撫
蔡士英薦徵用康熙初授兵科給事中歷禮科掌印屢上封章
有裨軍國大計典試山東稱得士

同上

吳國對字玉隨國龍弟順治戊戌進士第三授編修累遷侍讀
督順天學政國對才學優瞻工詩賦善書言論風采爲一時館
閣推重

同上

邵嗣堯字子昆猗氏人康熙進士知臨淄縣又補柏鄉落職後
以薦授清苑知縣入爲監察御史調直隸守道卒於江南學政
嗣堯性廉介遇事霆發機激勢要憚之歷三縣皆有善政及督
學江南試三郡清名大著卒自製布衣以殮諸生建祠祀之
張潤民字膏之夏縣人性醇謹有守以孝友聞康熙丁未進士
由中書舍人累遷河南督學僉事克舉其職嘗拆舊子號提調

某潛請易潤民大怒再三謝罪乃解人謂公而明爲學政最上

王尹方字鶴汀安邑人康熙癸丑進士改庶吉士官至內閣學

士兼禮部侍郎有清望庚午主江南鄉試多自搜落卷中之盡

文章之變得士稱最事訖以疾乞歸卒性至孝生母歿以嫡母

年高請終養生母故不嫌於嫡母者也鄉黨稱其厚上

崔爾仰字子高聞喜人順治戊戌進士授晉州知州勸學墾荒

治行著聞入爲吏部員外郎時懸賞招閩越降人至者相屬爾

仰嚴核符牒印劄得無濫遷戶部郎中開復諸生進糧者五百

四十餘人出爲浙江提學僉事以勞邁疾卒上

趙申季武進人康熙四十五年提督山東學政清廉恪謹苞苴

請託皆不敢至其門較文必親自點定嘗夜至漏三下不休體

素羸竟以積勞致疾卒於官上

蔣伊常熟人康熙二十四年提學河南嚴絕苞苴有暮夜投金者面唾之愧服而去文廟及名賢祠墓多捐俸葺治以勞卒士人皆傷之同上

王自新句容人順治時督學湖廣起衰振靡試卷必親校閱積勞成疾江漢之士莫不悲泣同上

劉炎陽穀人康熙中爲江西提學副使杜絕私請以實學敦行勗勉諸生各郡文廟禮器樂舞缺畧者修舉之秩滿去幾不治裝巡撫郎廷樞率屬捐俸以資其行同上

葉映榴上海人康熙十八年官陝西提學道訓士以敦行爲先每按部虛公考校被斥者無怨言同上

許孫荃合肥人康熙中由戶部郎中出督陝西學政勤於課士行部所至遇古聖賢名蹟力爲修復表章敬待名儒李鼎建爲

刻其所著書行世

上同

李振裕字維饒吉水人康熙進士由庶吉士歷官刑工戶禮四部尚書致仕嘗督學江南所賞薦拔皆一時才俊察賧幾輔全活甚多奏免江西浮賦振裕有力焉

上同

彭殿元字上虎廬陵人康熙進士選庶吉士授編修與修明史主順天鄉試所取多名士未幾罷官構鄉谷小隱潛心講學數十年

上同

陳瓚香山人康熙四十八年督學四川屏絕請託以甄拔人才爲心莅官之日止以一力自隨襤被蕭然銜校每至夜分不輟試未竣調補臺灣道

上同

簡上字謙居巴縣人性至孝爲兒時嘗負米百里外以養親順治辛卯舉於鄉知直隸鉅鹿縣以廉能擢吏部文選司郎中視

學江南再轉廣西右江道所入俸錢多贍族郇之貧者著有四

書彙解

同上

汪薇歙縣人康熙中任福建學道以崇實學端士習爲首務者校公明斷請託取士爲天下冠時謂振興文教常袞後一人而已郡人建祠於道山祀之

同上

沈涵歸安人康熙中提督福建學政試士公明雖熟貴請託弗許所拔皆名宿以朱子分年讀書之法課士士習爲之不變秩滿去閩人創清茗書院祀之

同上

余正健字乾行古田人康熙進士選庶常授翰林院編修累遷國子監祭酒以撫臣張伯行疏薦督學江南條教不煩苞苴請謁無一及者疏請范仲淹從祀文廟

上廉其學守召爲順天府尹剔奸弊省囹圄勤於奉職歿三月

和副都御史再奉

命督學滇南疾作予告歸同

編修彭殿元癸酉京闈所得南卷如姜宸英顧圖河汪繹等皆

登鼎甲西江志

張四教爲諸生時以歲薦議同舍人高其誼歷官有政績視學

山右所取士登甲榜二十六人生平訓子弟有法故張氏羣從

皆端謹無挂吏議者山東通志

汪灝以侍讀督山西學政清節著聞

聖祖仁皇帝西巡擢內閣學士兼禮部侍郎督學陝西旋命巡

撫河南告歸卒同上

單若魯分校己丑禮闈甄拔多名宿兩官大司成勤於造就歸

里後與人款曲不立城府人稱長者萊州府志

王舜年少孤事母以孝聞以中允分校禮闈所得皆知名士秉
臬西江平反大案全活甚衆遷山西右布政以絀誤削籍三逆
之亂起爲辰沅道贊畫軍中頗著勞績轉蘇松督糧道後以事
奪官

同上

趙文照以乙卯典粵東試時寇犯高雷羊城震驚從容畢試事
所拔多名流房師潘君已故家被寇掠悉贖歸之爲置產業告
墓而去人高其義

膠州志

今人見科目仕路中人謂某某有功名矣余不敢信問客客曰
列高榜登甲第得顯官居要路非功名而何余始知今人之功
名異於古人也古人之功或在社稷或在封疆或在匡君或在
養民古人之名或在尸祝或在口碑或在文教或在史傳一代
之有功名者不數人一人之有功名者不數事也何今人功名

之多也

庸言

文敏曰朱子說科舉雖做了狀元可惜輸了這邊工夫又曰若科目果能得人程朱該是狀元前輩所見之卓如此

題語

御史彭始搏仍爲翰林檢討檢討劉炎

特改江寧府知府以其會試分校能守正故也

居易錄

萊陽趙公崙字聞仙戊戌進士性高潔清修樂善獎進人材孜孜不倦督學南省指天誓曰過江擊楫曰某若一毫自私決不能生渡江北矣於是干謁不行孤寒吐氣簞簞之風爲之一變紳士競爲詩章以歌詠之

三剛識畧

癸酉正月二十五日學使者許公汝霖駐節暨陽試畢合宴諸生于君山之巔赴者二千餘人席地論文酬酢竟日諄諄訓誨此從來未有之盛事也公旣明且公間有挾貴人札不得不曲

從者皆垂淚而戒之其所識拔俱一時才士江左之人靡不感

嘆

同上

張公鵬翮庚戌進士爲浙撫軍官已高矣

上以其有清望擢江南督學蓋特簡也時適當科試奔競者紛紛公信心直行矢公矢慎終其任無一人私者雖當路不敢以一札仰干卽有一二京函亦逡巡躑躅不投而去去後士子思之不置每談及輒爲欷歔流涕云

同上

龐雪崖從余遊最久余知之亦最深方其由諸生孝廉以入翰苑也此常情之所喜而雪崖自視欽然及乎由翰林而中舍部曹此又常情之所慍也而雪崖處之恬然升沈隨時不以經心所嗜端以篤故其所成精以深詩也進乎道矣

吳廬文集

戊子予讀書靈隱偶憇冷泉亭見李文宗際期屏去騶從止攜

一小童步行入寺舍與予書齋僅隔一壁移時李公步行去鄰
僧急過予云黃公索僧以尊諱面遞宗師云值此時而隔壁有
士子學生未識其面夜過午書聲不絕當培植之宗師唯唯小
僧特來報喜予詢之方知黃公諱鳴俊字跨千由浙文衡歷官
巡撫爲李公房師避靜此寺前輩之歛跡如此予再投稟謝之
禮意甚殷極口贊許絕不道及薦予一字科舉發落文宗面諭
此意

寄園寄所寄

米進士詩畫皆工秀書法學米南宮徑寸外者尤勁媚或評之
曰紫來天才超詣當在友石先生之上入翰林曾典雲南鄉試
以試事累誤久之

召入供奉 內廷遷侍講

賜第西華門

說

宋既庭與宗弟疇三俱以孝廉知名時稱大宋小宋或問大宋

何如人予言阮思曠都不及真長逸少而能撮有諸人之勝

同上

吾兄戒菴先生當卯辰閒奉璽書視學江右時江右屢中寇從
烽燧壁壘中招生徒出就試按部所至每日坐堂皇戟門洞闢
諸生造几案前環侍問業昵昵如家人比試甲乙殿最取決俄
頃輒背誦其文曰某佳某不佳卽被乙者皆心服驚以爲神尤
加意童子試塾師老儒頭童齒豁者一旦簡拔始盡十三郡七
十餘州邑同聲嘆詫謂更數百年所未有迨乙丑請告南歸出
俸入所餘惠宗族寘祭田新棹楔仁和學宮圯捐千金葺之曰
吾家世所發軔不敢忘也

青門龍吟

蔣君虎臣先生諱超江南金壇人年二十二舉於鄉又二年舉
丁亥進士一甲第三人官翰林修撰以文雄于時主浙江省試

提督順天學政並清慎事竣告歸不過里門見妻子扁舟草履

徑自楚之蜀客死于峩峩之伏虎寺

學餘堂文集

嚴藕漁負卓犖之才高尙其志徜徉山水數十年所懷狷潔軒冕富貴不動其心詩酒筆墨自娛而已梁谿之人爭以倪雲林目之及徵山澤遺逸試於大廷

天子聞藕漁名思舉而用之藕漁僅賦一詩見志

九重嘉其恬退特命釋褐官翰林俾修前史未幾侍講幄記

起居於是藕漁感激自奮不忍以向之高尙狷潔之懷上負

知遇凡職所當盡者罔不夙夜兢兢

高濂人
文稿

靜菴公諱朝生字玉墀與伯兄玉堦仲兄玉驄齊名號莊氏三玉人以比王氏三珠焉予旣與陶菴拔貢同年澹菴皆翰林前輩而靜菴與予又同出東山張夫子之門若異姓兄弟也旣而

靜菴附舅氏外家移居吳門故相與益親而知公家事獨詳公少喪母吳夫人孺子泣也司寇倍憐愛之不甚督課而公天資敏妙努力自奮咕嗶不少休十四入泮方子安滕閣之年十九登賢書二十捷南宮猶魏公奏名之曰終童棄繻之歲耳常是時莊氏閼閼最盛而公以弱冠魏科簪筆禁庭玉筍班中望之如神仙中人會丁繼母憂省親蜀道二載旋歸復奔司寇之喪哀毀骨立則公孀孀在疚時也服闋起補

特簡京兆主試首開風氣之先衣鉢相傳至今艷稱之辛丑江南奏銷案起部議降調他人或遷延前却公獨毅然曰

君命也何避爲遂就國子監助教朝齋暮鹽泊如也亡何題署禮部主客司事亡何轉兵部督捕司升刑部員外郎加一級在禮言禮固儒者事且主客司先大夫舊職也至兵刑二部非公

素習乃一歲遁逃幾何一歲訟獄幾何無不朝考夕糾平反奏
績非公清慎勤之才惡能勝任而愉快乎丙辰奉

敕督學河南

鶴栖
堂稿

本朝寶興凡十有三而江右獨阨其四屬以科條益密額數益
嚴奉行者不審朝廷所爲慎重之意務以凌削立威名邵公戒
三匡救菝濯紀綱始振諸爲援其俘獲恤其化離或下賑旅餼
或代輸公府皆出人意量之外支郡多故諸司寄署省倉大帥
皆擇地而蹈公戒騁從邵尉傳叱馭于層巒巨浸中無敢睥睨
者經濟大畧已見於是豈尋常智勇可同日語哉

蓮龔集

丁葑園知中州貢舉闈中搜采瑋異得一卷奇之同考以波瀾
簡質度其人已老請置於乙丁曰才與膽岐豈老生所辨必年
少知名終爲大器榜發乃廬陽李湘北天馥也同考出語人曰

吾以世目衡文幾失此佳士李果方弱冠名振西清以文章道

誼服天下

今世說

都下人士一時競稱三曹三曹者冠五太史及長公靖遠次公
賓及也太史高雅靖遠英華賓及秀冲皆擅詩家之勝昔人共
推魏氏父子橫槊賦詩西園飛蓋爲一時盛事以較便陽能無

遠遜乎

詩觀初集

按冠五太史曹鼎望豐潤人順治己亥庶吉士官至徽州府
知府賓及名鈔

宗伯寄予青箱堂稿凡三種其已刻者美不勝收謹將未刻新
詩選次登梓與寓內人士共遵典式焉載滄洲每向予言宗伯
自爲諸生孝廉時望隆顧俊一時公卿咸爲倒屣今位極崇隆
而虛懷下士有若飢渴予雖別公二十年在三千里外猶寄書

惓惓不忘豈不令人有君宗之歎

詩觀二集

按青箱堂稿王文貞公崇簡著滄洲戴王綸字彬極順治乙未榜眼官至江西糧儲道

戊辰春雨不輟醒齋先生招飲署齋出新詩一卷見示乃督學江南時所作者其詩較前一變渾樸蒼老迴絕時蹊正非劍南所能望其壁壘

詩觀三集

按醒齋先生李振裕字維饒吉水人康熙庚戌庶吉士官至兵部尙書

四山先生督學秦中數載不得其音問戊辰從郵筒兩得其華嶽集時選事已竣採其高篇復爲附入較土方冗乃能吟詠如許之多而且高華沈鬱俯罩詞壇其胸次何如也

同上

按四山先生許孫荃字生洲合肥人康熙庚戌庶吉士改主

事官至陝西提學道

李應薦字諫臣號愚菴日照人少有文名讀書過目輒成誦丙午舉於鄉署天泉學正造就人才爲多汪公文漪亦親問業經指授焉已未同考會試得人最盛督順天學政旣歲滿公明之譽蔚起復留任三載公之典學政也絕苞苴嚴請託釐正文體振拔寒滯又請置學田以資贍養增弟子員額以廣進取一時人士無不鼓舞嚮學而公又引進諸生反覆開導以讀書爲文之法於是人知研窮經史爲有用之學而文氣亦駸駸復古矣公爲人凝重有風骨不苟訾笑有

顧問輒應聲而對無所紆回班行中持議尤侃侃然亦以此齟齬不合於世公卒黃君崑圃持狀請銘黃君公所拔士也

文貞集

惟康熙二十七年歲次戊辰二月甲辰朔越十九日壬戌考試

官某同考官某等敢以瓣香昭告司盟某等持朝命典試禮闈學術固陋大懼弗克得士以脩

國家任使致寒儒抑而不章用是矢諸

明神其有偏私玩易弗虛公於乃心弗恪恭於廼職士負

聖恩下負多士神其殛之俾蒙蔽賢顯僇禍罰及於厥世謹告

信園集

康熙三十九年七月初四日內閣傳奉

上諭各省學道原不差遣翰林官員嗣後各省學道宜將翰林官員一併差遣爾等與翰林院會議具奏欽此管掌院學士事臣韓莢謹議人臣居官奉職東西南北凡有差遣悉是朝恩固無可辭避其翰林諸臣皆文學侍從之官幸生堯舜之時置身清切之地蒙我

皇上禮遇優渥累加異數從來詞館無今日之光華叨沐逾涯
卽長守此一官朝夕講習文章監立品誼猶不足以補報萬一
今奉學道一併差遣之

旨此固非常不次之鴻恩在諸臣他日一經拜命便不得日觀
天顏時聆

聖訓固當不勝依依戀闕之忱且係

聖明簡拔之員與郎中道府序補者不同諸臣中有志有守者
固不乏人然儻有一之未稱不特一己之面目所關深恐負我
皇上格外擢用詞臣之至意臣愚不敢輕議差遣謹別具摺以

聞

有懷
堂集

淄川孫先生名若羣學瞻品端言動有則早歲成進士謁選京
師任少司寇海湄延之官邸訓其子彥方處以廣廈坐不易於

供以豐肴食不兼豆雖隆冬盛暑衣冠襜如司寇知孫有一子
已就童試適山左學使者與司寇有舊將爲之地而未詳二子
名屢欲請之憚其嚴正終不敢發先生端居緘默遇有問難輒
指畫議滾滾滔滔竟晷不倦凡及門與輦下諸子以制藝就正
者一一評騭務愜其隱而運之苑枯年之修短皆能於文預決
之康熙癸丑出爲交城令多異政秩滿遷蜀中州牧卒於官廨
澹園丁先生以清郎雅望奉

簡命視學入閩閩中經兵燹之餘士氣稍稍不振先生奮然以

淬厲作新爲已任衡文課藝一歸於雅馴水蘖之操始終一節
權要莫得干以私真才夙學甄拔殆盡修學葺祠無廢不舉閩

人士至今歌思頌歎

遂初堂文集

慎行舉京兆鄉貢時年已四十有四又十年奏名禮部顧瞻稟

進英英皆少年其間頰首下心夙昔所愛敬而兄事者癸酉則
慈谿姜西溟癸未則寶應王方若而已兩先生咸負當代重名
差池晚達先後以高第入史館一時稱風雅者兼歸焉教業堂文集
西樵先生之學與行人能言之余最以爲莫可及者惟其守當
典鄉試河南磨勘獄起中先生者以毛髮之疵下

詔獄是時死生在呼吸余計偕京師爲之惴恐食不能下咽而
先生一委於命終日晏坐鈔經賦詩卒得無事以出百尺梧閣集

魏子曰兼材難矣騷人韻士麗于文者缺經世之具能臣良吏
茂于功者乏揆天之詞從古惜之非天厚之以經濟才猷復充
之以涵養學問欲以二不朽之業同做天壤也未之覩也吳門
范雪樵先生則不然當先生之讀中秘書也雅摺文名矣甲午
主試北闕所拔多英宿戊戌登鼎甲者三成出其門海內談文

章者愈翕然宗之

百名家詩選

按雪樵先生名周字挺嶽順治己丑庶吉士官至河南布政司叅議

廉訪公分校鄉試得金侍郎鋌李學士昌垣等六人極畿甸之選時故禮部尙書合肥龔端毅公方持文柄亟推公一日集並時文士同賦古今各體詩擊鉢立成公擅場衆大折服公才名甚盛而守之以謙外和內介不苟異同故仕惟平進位不卿宰而亦鮮患禍庚寅擢刑科給事中凡有章奏期於崇國體行實政不爲矯激不輕彈劾

北郊奉祀及藉田祈穀諸大典煌煌然一代禮文公所請也辛卯頒

詔山西癸巳遷戶科右給事中甲午轉禮科左給事中主湖廣

省試得人之盛爲是科冠乙未春南宮放榜臺臣有以違例取
士爲言者復有沈姓爲蜚語侵闕中事公抗疏請嚴加覆試並
磨勘試卷且有褻大典而惑衆聽及視科場爲奇貨語節山文集

吾師荊谿彭先生涵泳道真沈潛理學旣首舉南宮
天子臨軒策試復

親擢第一回翔 禁近漸次枋用而先生性樂閒靜年甫強仕

早賦遂初所居南畝草堂場圃在前雜植花木讀書吟咏其中

不殖家產不問有無泊如也

東江文鈔

張自超字葵嘆高淳人爲諸生試必冠其曹因舉場幾三十年
未嘗有愠色治古文及詩所得皆警邁而未嘗爭名於時近五
十始登甲科而不肯試爲吏其旣升於禮部也宗伯韓公葵昌
言於朝某宜在上甲自超踵門曰某有母病且衰登上甲必以

職留公當愛人以德

望溪集

五經者萬古不易之書平實切近正如布帛菽粟乃人生一日不可離者自應服習講貫身體力行乃人皆不肯真心用功於此卽間有全讀者不過爲獵取功名計耳及功名到手又視爲敲門瓦子豈不可惜更可笑者近來童子讀經應試希倖進學亦能自首至尾五經通熟學使者喜其童年記誦冀其將來有成所以文少明通遂錄取入泮豈意入學後志滿意足不惟不能再有進益並其已熟經書亦置高閣及至歲試臨彼文一荒謬名入下等是今日背經入泮之人卽異日下等對讀之人雖未必人人如此然如此者甚多可勝歎哉故學問不日進便日退志氣一暢滿便墮落此一定之理也時不可失人其念諸

田公雯嘗舉博學鴻詞一時名士率皆懷刺跨馬日夜詣司枋者之門乞其聲譽以進公獨屏居蕭寺中不見一大人長者今之來江南也舁以肩輿從兩驢載衣裳一箱五經子史兩方底蒼頭奴兩人蹢蹢行道上戒有司勿置郵傳給供張自市蔬菜十把脫粟三斗不爲酒醪佳設惟日矻矻以文章爲事蓋公之居官如是

紅豆山莊集

陳見復祖范於雍正癸卯捷南宮未及臚唱以足疾歸里次年甲辰復行殿試而足疾已愈親知力勸其入都衆喙一辭見復不聽嘗語予我無用世才倘殿試而蒙拔擢受職之後虛糜廩祿既有所不可若遽乞歸自處則高矣但人人如此公家之事誰任今甫捷南宮是猶未成進士也不若量能度分如此知止猶不失出處之義予深韙其言見復亦云友朋中不勸予殿試

者惟君一人耳

柳市
隨筆

予初主試

上以新婦生子調之劉松臺道長從未分校自謂監試似未字
之女亦佳話也賦詩云杏苑懸弧典故新每因生子憶生身凌
雲老樹枝分後可念當年手種人官花彩映繡衣新半老依然
未字身自笑殷勤還學養宜男却是讓他人

尹文端
公集

許敬菴公督學陝西集衆講貫每至夜分或曰校文足矣何必
講爲公笑曰此乃督文非督學也講勸愈力

南谿
偶刊

秦松齡初入翰林賦白鶴詩應

制有句云高鳴常向月善舞不迎人

上顧左右曰此是有品者家有園在惠山之麓擅林泉之勝罷
官後鍵戶讀書與故人遺老倡和其中與漁洋爲同年友善嘗

緘詩一編題曰寄阮集

震滄集

蕭公惟豫爲余外舅生有夙慧手紋如硃砂順治甲午初赴省闈卽以第五魁其經戊戌成進士入翰林典江西鄉試得人最盛吉水李尙書振裕年甫十五閱卷決其遠到置第五曰此吾鄉試名次今以衣鉢授之後果以文章事業名於世旣揭曉止滕王閣一夕遂行當事餽一無所受督學畿輔公明並著翁鐵菴尙書冒北籍應童子試縣人攻之急不敢入覆試公索之急教官以暴卒對公爲刻其文深致惋惜後鐵菴入翰林執弟子禮學差將竣行大用矣聞父病力乞終養以歸及丁外艱服闋蔚州魏敏果公象樞方柄用以公與平湖陸清獻公隴其同

薦諸朝值

聖祖南巡駐蹕德州

召見行幄公以母老陳情特蒙

俞允遂避跡村野

雅雨堂集

雍正癸卯余主江南試副考鄧鍾岳丁憂一人閱卷萬餘所拔
多知名士歸過鳳陽隣寺有未中者怨主司摘其文因令其試
背首篇念至半篇余曰爾無庸背爾次藝非化育分貼天地耶
其人愕然慚而退

崑山自訂年譜

李因篤字子德陝西富平人康熙己未以布衣

召試博學鴻詞官翰林院檢討著有受祺堂集先生選於經學
顧寧人先生推重之以公卿薦

召試當時所稱四布衣之一也授官後卽以老母辭不許表三
上乃許情詞懇惻比李令伯之陳情則又過之

聖主之仁人子之孝宇內共稱不止羨鴻軒鳳舉也

國朝詩別裁集小傳

繆沅字湘芷江南泰州人康熙己丑

賜進士第三人官至刑部侍郎著有餘園詩鈔視學楚中延四方名流校閱所得人文極一時之盛楚人爲予稱道之詩舊入江左十五子選中予曾評點後披全稿見半屬朱墨改易所云老去漸於詩律細者耶

同上

陳祖范字亦韓江南常熟人雍正癸卯會試中式乾隆壬申舉經學官國子監司業著有見復詩草見復捷春官未殿試歸著書設教垂三十年大臣以經學薦授少司成居家受官生平以天爵自重者也

同上

吾鄉吳修撰鴻督學湖南壬午科湖南主試者爲嘉定錢公辛楣陝西王公偉人諸生出闈後各以闈卷呈吳吳最賞者爲丁牲丁正心張德安石鴻翥陳聖清五人曰此五卷不售言此後

不復論文矣榜發日吳招客具飲使人走探俄而抄榜來自六
名至末只陳聖清一人吳旁皇莫釋未幾五魁報至則四生已
各冠其經如聯珠然吳大喜過望一時省下傳爲佳話先是陳
太常兆崙在都中以書賀吳云今科楚南得人必盛蓋預知吳
錢王三公之能知文能拔士也吳首唱一詩云天鼓喧傳昨夜
聲大宮小徵盡含鳴當頭玉笋排班出入眼珠光照乘明喜極
轉添知己淚望深還慰故人情文昌此日欣連曜誰向西風訴
不平一時和者三十餘後甲辰三月余遊匡廬遇丁君宰星子
爲僱夫役作主人相與序述前事彼此慨然且曰正心管領廬
山七年來遊者先生一人耳

隨園詩話

施閏章字尙白號愚山宣城人博綜羣籍善詩古文詞順治己
丑進士爲刑部員外郎獻策明敏督學山左有冰鑒之譽轉湖

西道叅議湖西故荒瘠多盜閭章撫綏有方袁臨閭稱之爲施
佛子康熙己未以博學鴻詞薦改授翰林侍講纂修明史轉侍
讀以勞瘁卒閭章性仁孝事季父譽如父廣置義田以贍宗戚
篤窮交勵後學人咸奉爲楷模

宛雅三編

許之漸字儀吉號青嶼鼎臣長子登順治乙未進士初授戶曹
旋擢御史遇事敢言彈劾不避權貴巡按陝西茶馬悉心簡閱
除一切陋規釐奸剔弊居林下者數十年近九十兒孫五代兩
舉鄉飲大賓所謂三達尊者兼有之矣

七十二舉足徵集

劉子壯字克猷黃岡人已丑進士廷對第一授修撰壬辰禮闈
分考旋請告歸卒鴻才碩德未竟其用公孝友性成初出嗣叔
父叔父置廢舉二子乃歸嘗遊吳門有小吏坐法繫獄言於令
得脫吏嚮愛女得金爲壽急諭止之同鄉有難婦流落長安者

捐百金贖之令與夫完嘗假寐恍惚見神人呼劉狀元官不過

五品壽不及五十殆有定數所著峴恩堂集十五卷

楚詩

熊伯龍字次侯號鍾陵漢陽人順治戊子舉人已丑進士及第授編修歷遷內閣學士賦性孤介礪名節其文章衣被天下甲午典浙江試一榜中狀元三人探花一人督學順天及官祭酒凡鄉會巍科多出其門年五十三卒著有穀詒堂集

同上

喬川宋嵩南先生戊午科以第一人冠南國乙丑科復以經魁宴瓊林身躋史館纂修之暇吟咏甚富嘗典試滇南所拔皆知名士居官則勤勞矢公丁內外艱皆有哀草以鳴慕蓋先生忠孝之志朝野咸仰矣嘯梅齋詩藁語多深厚根柢性情商邱中丞公序之謂其清芬而不艷蒼勁而不支亦如梅然士林稱爲

確論

國朝詩正

按嵩南先生宋衡廬江人康熙乙丑庶吉士官至翰林侍讀學士

順治丙戌會試杜月湖芳以庶吉士同考得魏栢鄉裔介卷已擬第一後改十二名李爽棠本十二名改第一月湖評魏文稱爲天下士擬之以蘇長公果居揆席而月湖分校次年卽卒栢鄉作誌銘述此云

石鼓齋雜錄

江蘇嘉定秦簪園先生爲孝廉時續紘某氏晷夕悲啼不止問之曰妾幼許鄰村李氏子父母嫌其貧逼休改嫁竊念身更二姓有乖婦道是以痛耳秦聞之竦然曰何不早言幾成吾過乃趨避外舍命僕召李李至語之故且曰今夕良辰可於敝廬合卺所有奩資舉以相贈李感激涕零莫知所對三朝後夫婦叩謝而去秦乾隆癸未成進士大魁天下

秋燈叢語

張惟赤原名恒字君常浙江海鹽籍海寧人順治丙戌貢京師以茂才廷試當館縣印綬耻不由科目出身不拜更今名號螺浮中乙未進士補尙書郎改給事中出爲荊南道未半截裁缺以歸御史季振宜上言給事中張惟赤敢言有大節不宜放棄遂復其官康熙癸卯主山東鄉試先考功出其門丙辰卒於位

樂圃故人尺牘小傳

石韞玉字執如負文章盛名而實道學中人也嘗謂予曰我輩著書不能扶翼名教而凡遇得罪名教之書須拉襍摧燒之家置一紙庫名曰孽海蓋投諸濁流冀勿揚其波也一日閱四朝聞見錄拍案大怒急謀諸婦脫臂上金跳脫質錢五十千編搜坊肆得三百四十餘部將投諸火予過其齋怪而問之石曰是書所載俱前朝掌故名士著述無可訾議而中有劾朱文公一

疏荒誕不經逆母欺君竊權樹黨并及閭閻中穢事有小人所
斷不爲者乃敢形諸奏牘汚蔑我正人君子且編書者又逆料
後人必不深信載入文公謝罪一表以實其過嗟乎小人之無
所忌憚至於此極乎予曰是何足怪天下享重名者必遭衆忌
况我文公少時出入經傳泛濫佛老小儒易涉堂奧後得理學
正宗門牆高峻而又有蔡西山真景元諸弟子輔翼之而日前
之依草附木者盡塵之門外於是轉羞成怒欲敗名而無隙乘
咸和殿兩劄有大臣失職賤者竊柄之語爲上遊所惡而又劾
唐仲友不法等事觸忤宰執遂文致其詞貿然上竇一以雪擯
斥之讎一以逢臺垣之喜此小人之肺肝如見者也石曰然則
文公何以不辨予應之曰文公當孝宗朝陸對者三上封事者
三披肝瀝膽詆訶近臣孝宗開懷容納令持浙江江西之節繼

復有經帷之命眷之愈厚嫉之愈深當時諫垣諸公至有罪當
誅戮之議君子明哲保身而動稱好辨僇辱及之矣且理欲危
微毫釐必辨仍恐疑似之介貽誤後學若立朝行已之間天下
萬世自有公論譬諸執途人而指雪爲黑指漆爲白雖愚者亦
知其謬而猶待曉曉置辨乎哉石曰君論誠佳然此可爲智者
道難與俗人言也卒燒之予曰君可謂勇於從義者矣是年石
以南闈發解庚戌應禮部試爲臚傳第一人其扶翼名教之功
乎

鐸

康熙庚午安邑王公尹方者主試江南士子多以淺學誚之而
公則務期遴選真才揭曉人人觀望儲同人亦趨赴榜次路逢
人輒問曰解元是誰人曰廟後劉輝祖也儲驚曰王公識文者
輝祖中元我名應亦不遠果中第四是科文清奇濃淡各極其

妙遠駕前明隆慶辛未會墨之上故時人以爲江南珠璣被王

公網盡焉

識小編

長洲彭定求績學勵行事親至孝康熙丙辰會試聞空中語曰
上帝以汝孝行可嘉會狀屬子矣揭榜果中會元殿試大魁天
下孫啓豐亦會狀聯元祖孫繼美今後起尤科甲不絕云紫垣隨筆
今上元二之間昭宣鴻朗天下文人稱爲極盛其薦而遇者若
大學士劉文定公綸雲南總督劉公藻太僕寺卿陳公兆崙其
薦雖未遇而致身貴顯者若尙書張文達公曰修沈公德潛左
都御史金德瑛若仕未甚達與偃蹇以終者爲桑調元符曾厲
鶚胡天游劉大樞方貞觀等然衡其著議豈以遇不遇爲增損
與述菴文鈔

下瑤海聖臺甲戌會試出錢文敏之門公嘗稱其館課一鈎楊

柳外彷彿上弦初及公已卯典試江西瑤海由庶常改縣令奉
調入闈公途中見新月懷瑤海云涼風已見催秋去碧漢何嘗
待客還不信一鈎楊柳月此詩只合老途間

樞門詩話

虞山汪杜林先生應銓以康熙戊戌第一人及第未散館卽擢
庶子蓋異數也雍正年罷官家居教授湖湘間時江蘇巡撫邵
公基兩淮運使盧公見曾江常鎮道馬公維翰皆先生分校所
取士以書約先生歸里不應邵卒乃歸而哭之盧已降官矣其
性情倔强如此詩特高朗諧暢及第後答友人云愛詠秋屠別
選坊未嫌蝸殼自聊浪市聲喧隔蕭條巷雨氣香生漱澗觴客
屢欵門刪剩語僮初移竹問栽方不才遭遇應過分只合吟詩
不合狂

同上

壬子余再攝翰林院事檢舊讀見殘帙中寒香草堂詩四卷湘

潭劉侍御元變作侍御庚辰信選改御史有直聲陳星齋先生
述其因辭蒼梧道廣西武亦奇人也詩甚和雅

同上